

ცხადდება კონკურსი

თსუ-ს ბაკალავრიატის საფეხურის მესამე, მეოთხე, მეხუთე და მეექვსე სემესტრის სტუდენტებისთვის ევროკომისიის მიერ დაფინანსებული **ერაზმუს+ პროგრამისა** და ორმხრივი თანამშრომლობის ფარგლებში **2025/2026 სასწავლო წლის შემოდგომის სემესტრისათვის** გამოყოფილი სტიპენდიების მოსაპოვებლად

!! გთხოვთ, გაითვალისწინოთ, რომ შესაძლოა, შეიცვალოს უნივერსიტეტების ჩამონათვალი, შესაბამისად, პერიოდულად შეამოწმეთ აღნიშნული განცხადება თსუ-ს ვებ-გვერდზე!

კონკურსზე განაცხადის გაკეთება შესაძლებელია მაქსიმუმ 3 უნივერსიტეტზე!

სტიპენდიების ჩამონათვალი ქვეყნების, უნივერსიტეტებისა და სასწავლო მიმართულებების მიხედვით:

ერაზმუს+ გაცვლითი პროგრამა:

გერმანია

უნივერსიტეტი	აახენის რაინ-ვესტფალიის ტექნიკურ უნივერსიტეტში
მიმართულება	მათემატიკა, კომპიუტერული მეცნიერებები, ეკონომიკა (მხოლოდ მეხუთე და მეექვსე სემესტრის სტუდენტებისთვის)!
სწავლების ენა	ინგლისური
მოხილობის პერიოდი	2025/2026 სასწავლო წლის შემოდგომის სემესტრი
ვებ-გვერდი	https://www.rwth-aachen.de/cms/root/Studium/Im-Studium/Internationales/Exchange-Incomings/Bewerbung/~iprm/Fachliche-Vorbereitung/?lid=1

ერაზმუს+ გაცვლითი პროგრამის შემთხვევაში, სტიპენდია მოიცავს:

- მიმღებ უნივერსიტეტში რეგისტრაციის გადასახადისაგან გათავისუფლებას,
- ყოველთვიურ სტიპენდიას [ევროკომისიის მიერ დადგენილი ნიხრით](#),
- ორმხრივი საერთაშორისო მგზავრობის ხარჯების ანაზღაურებას [ევროკომისიის მიერ დადგენილი ნიხრით](#)

ორმხრივი გაცვლითი პროგრამა

გერმანია

უნივერსიტეტი	ბერლინის თავისუფალი უნივერსიტეტი
სწავლების ენა	გერმანული
მოხილობის პერიოდი	2025/2026 სასწავლო წლის შემოდგომის სემესტრი
ვებ-გვერდი	https://www.fu-berlin.de/en/index.html
დამატებითი ინფორმაცია	გაიცემა ყოველთვიური სტიპენდია, ფინანსდება სამედიცინო დაზღვევა და სემესტრული სტუდენტური გადასახადი.

უნივერსიტეტი	ჰუმბოლდტის სახელობის ბერლინის უნივერსიტეტი
მიმართულება	ყველა მოცემული, გარდა: მედიცინა, ნეირომეცნიერება ("Mind and Brain"), კომპიუტერული მეცნიერება, გლობალური კვლევები, ისტორია/გლობალური ისტორია, სამართალი.
სწავლების ენა	გერმანული
მოხილობის პერიოდი	2025/2026 სასწავლო წლის შემოდგომის სემესტრი
ვებ-გვერდი	http://www.international.hu-berlin.de
დამატებითი ინფორმაცია	გაიცემა ყოველთვიური სტიპენდია (სემესტრული სტუდენტური გადასახადის და საცხოვრებელი ხარჯის დასაფარად).

ესტონეთი

უნივერსიტეტი	ტარტუს უნივერსიტეტი
სწავლების ენა	ინგლისური
მობილობის პერიოდი	2025/2026 სასწავლო წლის შემოდგომის სემესტრი
ვებ-გვერდი	www.ut.ee
დამატებითი ინფორმაცია	ყოველთვიური სტიპენდია (კვების ხარჯების დასაფარად) და ადგილი უნივერსიტეტის საერთო საცხოვრებელში

ლატვია

უნივერსიტეტი	ლატვიის უნივერსიტეტი
სწავლების ენა	ინგლისური
მობილობის პერიოდი	2025/2026 სასწავლო წლის შემოდგომის სემესტრი
ვებ-გვერდი	www.lu.lv
დამატებითი ინფორმაცია	ყოველთვიური სტიპენდია (კვებისა და საცხოვრებელი ოთახის ხარჯების დასაფარად)

ლიეტუვა

უნივერსიტეტი	ვილნიუსის უნივერსიტეტი
სწავლების ენა	ინგლისური
მობილობის პერიოდი	2025/2026 სასწავლო წლის შემოდგომის სემესტრი
ვებ-გვერდი	https://www.vu.lt/
დამატებითი ინფორმაცია	ყოველთვიური სტიპენდია (კვების ხარჯები იფარება ნაწილობრივ) და ადგილი უნივერსიტეტის საერთო საცხოვრებელში

უნივერსიტეტი	ვიტაუტას მაგნუსის უნივერსიტეტი
სწავლების ენა	ინგლისური
მობილობის პერიოდი	2025/2026 სასწავლო წლის შემოდგომის სემესტრი
ვებ-გვერდი	https://www.vdu.lt/en/
დამატებითი ინფორმაცია	ყოველთვიური სტიპენდია (კვების ხარჯები იფარება ნაწილობრივ) და ადგილი უნივერსიტეტის საერთო საცხოვრებელში

პოლონეთი

უნივერსიტეტი	ვარშავის უნივერსიტეტი
სწავლების ენა	ინგლისური
მობილობის პერიოდი	2025/2026 სასწავლო წლის შემოდგომის სემესტრი
ვებ-გვერდი	http://en.uw.edu.pl/
დამატებითი ინფორმაცია	ყოველთვიური სტიპენდია (კვებისა და საცხოვრებლის ხარჯების დასაფარად). სტიპენდიის ზუსტ რაოდენობაზე გადაწყვეტილებას მიმღები უნივერსიტეტი იღებს გაცვლითი სტუდენტის წარდგენის შემდეგ.

სლოვაკეთი

უნივერსიტეტი	ბრატისლავას კომენიუსის უნივერსიტეტი
სწავლების ენა	ინგლისური
მობილობის პერიოდი	2025/2026 სასწავლო წლის შემოდგომის სემესტრი
ვებ-გვერდი	https://uniba.sk/en/
დამატებითი ინფორმაცია	ყოველთვიური სტიპენდია (კვების ხარჯების დასაფარად) და ადგილი უნივერსიტეტის საერთო საცხოვრებელში

ჩეხეთი

უნივერსიტეტი	მასარიკის უნივერსიტეტი
სწავლების ენა	ინგლისური
მობილობის პერიოდი	2025/2026 სასწავლო წლის შემოდგომის სემესტრი
ვებ-გვერდი	https://czs.muni.cz/cs/
დამატებითი ინფორმაცია	სტიპენდია გაიცემა უნივერსიტეტის საერთო საცხოვრებელში ოთახის ხარჯის დასაფარად.

უნივერსიტეტი	კარლოვის უნივერსიტეტი
	თსუ-ს სტუდენტს სასწავლო კურსები შეუძლია აირჩიოს კარლოვის უნივერსიტეტის მხოლოდ სამი ფაკულტეტიდან: Faculty of Social Sciences Faculty of Arts
სწავლების ენა	ინგლისური
მობილობის პერიოდი	2025/2026 სასწავლო წლის შემოდგომის სემესტრი
ვებ-გვერდი	https://cuni.cz/UKEN-344.html
დამატებითი ინფორმაცია	ადგილი უნივერსიტეტის საერთო საცხოვრებელში

კონკურსზე დაშვების წინაპირობაა ქვემოთ ჩამოთვლილთაგან ერთ-ერთი:

- 1) მიმდინარე კონკურსის რეგისტრაციის დასრულებამდე არაუადრეს 6 კალენდარული წლით ადებული შემდეგი სერტიფიკატები:

ინგლისური ენის შემთხვევაში:

- TOEFL (90 iBT), IELTS (6.5 მინიმალური საშუალო ქულა) ან CAMBRIDGE (FCE)-ის სერტიფიკატი;
- B2 დონეზე ფლობის დამადასტურებელი სერტიფიკატი CERTUS (<https://naec.ge/#/ge/post/1704>)

გერმანული ენის შემთხვევაში: TestDaF (TDN 3), DSH (DSH 1), DSD (B2), Goethe Certificate (90-100);

თურქული ენის შემთხვევაში: TYS (B2); **იტალიური ენის შემთხვევაში:** CILS (B2), PLIDA (B2);

ესპანური ენის შემთხვევაში: DELE (B2); **ფრანგული ენის შემთხვევაში:** DELF (B2);

ბ) უნივერსიტეტის მიერ ორგანიზებული უცხოური ენების ინსტიტუციური ტესტირების შედეგის საფუძველზე (არანაკლებ 71 ქულისა), რომლის შედეგიც ძალაშია ტესტირების ჩატარების სემესტრისა და მომდევნო 1 სემესტრის განმავლობაში, შესაბამისად, ამ კონკურსის მიზნებისთვის ვალიდურად ითვლება 2024 წლის 4 ოქტომბრის ან/და 2024 წლის 7 მარტის ტესტირების შედეგი;

გ) უცხოურ უმაღლეს საგანმანათლებლო დაწესებულებაში არანაკლებ 1 სემესტრის განმავლობაში დასწრებულად სწავლის დამადასტურებელი ოფიციალური ცნობის საფუძველზე, სწავლების ენის მითითებით, სადაც სწავლების ენად გამოყენებული იყო იმ უნივერსიტეტში/პროგრამაზე მოქმედი სწავლების ენა, რაზეც განაცხადს აკეთებთ;

დ) სკოლის დამამთავრებელი ან ბოლოსწინა სრული აკადემიური წლის დასწრებულად გავლის დამადასტურებელი ოფიციალური ცნობის საფუძველზე, სწავლების ენის მითითებით, სადაც სწავლების ენად გამოყენებული იყო იმ უნივერსიტეტში/პროგრამაზე მოქმედი სწავლების ენა, რაზეც განაცხადს აკეთებთ;

ე) თსუ-ს სრულად უცხოენოვანი საგანმანათლებლო პროგრამების სტუდენტები თავისუფლდებიან შესაბამისი (რომელი უცხოენოვან პროგრამის სტუდენტებიც არიან) უცხოური ენის ტესტირების ვალდებულებისგან, გარდა იმ შემთხვევებისა, თუკი მასპინძელი უნივერსიტეტი ითხოვს შერჩეული სტიპენდიანტებისგან უცხო ენის ტესტირების დამადასტურებელ ცნობას.

ვ) ყველა ის პირობა, რომლის საფუძველზეც აპლიკანტები გათავისუფლებული არიან უცხო ენის ცოდნის დამადასტურებელი დოკუმენტის წარმოდგენისგან, ძალაშია მხოლოდ იმ შემთხვევაში, თუკი მასპინძელი უნივერსიტეტი არ ითხოვს შერჩეული სტიპენდიანტებისგან უცხო ენის ცოდნის დამადასტურებელი დოკუმენტის წარდგენას.

სტიპენდიატთა შესარჩევი პროცესი:

- ელექტრონული განაცხადისა და შესაბამისი დოკუმენტაციის შემოწმება (თბილისის სახელმწიფო უნივერსიტეტი)
- გასაუბრება კანდიდატთა შესარჩევ კომისიასთან (თბილისის სახელმწიფო უნივერსიტეტი ან/და მიმღები უნივერსიტეტი)
- საბოლოო შერჩევა/სტიპენდიის მინიჭება (მასპინძელი უნივერსიტეტი)

შერჩეულმა სტიპენდიატებმა თავად უნდა აანაზღაურონ სავიზო მოსაკრებლისა და ყოველთვიური საერთაშორისო დაზღვევის ხარჯები!

სააპლიკაციო დოკუმენტაციის ჩამონათვალი:

1. პირადობის დამადასტურებელი კანონმდებლობით გათვალისწინებული დოკუმენტის - პასპორტის (მისი არარსებობის შემთხვევაში, პირადობის მოწმობის) ასლი (სკანირებული pdf ვერსია);
2. CV-ს ევროპული ფორმატი ინგლისურ ენაზე <https://europa.eu/europass/en/create-europass-cv>;
3. ცნობა სტუდენტის აქტიური სტატუსის შესახებ (გაცემული ინგლისურ ენაზე, სკანირებული pdf ვერსია);
4. მიმდინარე შეფასებების ამონაწერი აპლიკანტის მიერ გავლილი საგანმანათლებლო დისციპლინების მიხედვით, GPA-ის მითითებით (გაცემული ინგლისურ ენაზე, სკანირებული pdf ვერსია);
5. უცხო ენის ცოდნის დამადასტურებელი დოკუმენტი (პირობები იხილეთ ზემოთ). **აპლიკანტებს, რომლებსაც თსუ ენის ინსტიტუციური ტესტის დადებითი შედეგი აქვთ, არ ესაჭიროებათ დოკუმენტის ატვირთვა;**
 - დამატებითი მხარდაჭერა ნაკლები შესაძლებლობების მქონე აპლიკანტებისთვის; (არსებობის შემთხვევაში, სკანირებული pdf ვერსია);
 - შეზღუდული შესაძლებლობის მქონე პირი (სტატუსი უნდა დასტურდებოდეს კომპეტენტური ორგანოს მიერ გაცემული სამედიცინო ცნობით);
 - სოციალურად დაუცველი პირი (სტატუსი უნდა დასტურდებოდეს კომპეტენტური ორგანოს მიერ გაცემული ცნობით);
 - საქართველოს ოკუპირებული ტერიტორიებიდან იძულებით გადაადგილებული პირი, ან ოკუპირებულ ტერიტორიებზე მცხოვრები პირი (სტატუსი უნდა დასტურდებოდეს კომპეტენტური ორგანოს მიერ გაცემული ცნობით);
 - არასრულწლოვანი ბავშვის მშობელი (სტატუსი უნდა დასტურდებოდეს არასრულწლოვანი შვილის დაბადების მოწმობით);
 - ეროვნული უმცირესობის წარმომადგენელი;
6. შევსებული სასწავლო ხელშეკრულება (სკანირებული pdf ვერსია). ხელშეკრულების შესავსებად გადადით სასურველი მიმღები უნივერსიტეტის ვებ გვერდზე. დოკუმენტის სწორად შესავსებად კონსულტაცია გაიარეთ თქვენი ფაკულტეტის ხარისხის უზრუნველყოფის სამსახურში (**საკონტაქტო ინფორმაცია იხილეთ ქვემოთ, პუნქტი გ**) და მხოლოდ ამის შემდეგ შეავსეთ დოკუმენტის პირველი გვერდი. სრულყოფილად შევსების შემდეგ დოკუმენტი უნდა დაამოწმოს თქვენი ხელმოწერით და **ფაკულტეტის ხარისხის უზრუნველყოფის სამსახურის ხელმძღვანელის ხელმოწერით და ფაკულტეტის ბეჭდით. დანართი 1. (გაეცანით შესაბამის რეგულაციას);**
7. რეკომენდაცია ინგლისურ ენაზე (ელექტრონულ სარეგისტრაციო პორტალზე mobility.tsu.ge რეკომენდატორის ველში უნდა შეიყვანოს თქვენი რეკომენდატორის მონაცემები. რეკომენდატორს მეილზე ეგზავნება ბმული, სადაც ონლაინ ავსებს რეკომენდაციას);
8. სამოტივაციო წერილი არაუმეტეს 1 გვერდისა; ტექნიკური მახასიათებლები: ფონტი - Times New Roman, ფონტის ზომა - 12, line spacing – 1.0, ველები - 2სმ.; (მოტივაციის წერილი უნდა დაიწეროს იმ პროგრამაზე მოქმედ სწავლების ენაზე, რაზეც განაცხადს აკეთებთ);
9. აპლიკანტის ინფორმირებული თანხმობის ფორმა (გთხოვთ, ჩამოტვირთეთ დანართი 2, შეავსეთ გამოტოვებული ველები, ხელი მოაწერეთ, დაასკანერეთ და ატვირთეთ pdf ვერსია);

გაცვლით პროგრამაზე განაცხადის გაკეთებით დაინტერესებული სტუდენტები უნდა დარეგისტრირდნენ გაცვლითი და მობილობის პროგრამების მართვის ელექტრონულ სარეგისტრაციო პორტალზე mobility.tsu.ge, ატვირთონ სააპლიკაციო დოკუმენტაციის სრული ჩამონათვალი (pdf ფორმატში) და გადმოგზავნონ განაცხადი ელექტრონულად არაუგვიანეს 2025 წლის 20 მარტის 13:59 საათისა.

- გამოგზავნილი განაცხადის შეცვლა ან/და ატვირთული დოკუმენტ(ებ)ის გამოცვლა შეუძლებელია.
- რეკომენდატორის მიერ რეკომენდაციის შევსების და გამოგზავნის გარეშე სააპლიკაციო განაცხადის გამოგზავნა არ არის შესაძლებელი. შესაბამისად, მნიშვნელოვანია რეკომენდატორი ჯეროვნად ინფორმირებული იყოს განაცხადის გამოგზავნის დედლაინის თაობაზე

დამატებითი მნიშვნელოვანი ინფორმაცია:

ა) გაცვლითი და მობილობის პროგრამების მართვის ელექტრონული სარეგისტრაციო პორტალი mobility.tsu.ge

- ✚ გთხოვთ, გაითვალისწინოთ, რომ პორტალი mobility.tsu.ge არ არეგისტრირებს განაცხადებს ზემოთ მითითებული ვადის (20 მარტის 13:59სთ) გასვლის შემდეგ;
- ✚ პორტალი mobility.tsu.ge არ არეგისტრირებს არასრულ სააპლიკაციო პაკეტს. სააპლიკაციო განაცხადი ელექტრონულად ჩაბარებულად ითვლება მხოლოდ **გაგზავნის** ღილაკის დაჭერის შემდეგ. სააპლიკაციო დოკუმენტაციის წარმატებით გამოგზავნის შემდეგ აპლიკანტი მეილზე მიიღებს შესაბამის შეტყობინებას.
- ✚ გასაუბრებების დრო და თარიღი ინდივიდუალურად დაეგზავნება ყველა აპლიკანტს პორტალზე [mobility.tsu.ge] მითითებულ მეილზე;

ბ) კონკურსის ორგანიზების საფუძველი და შერჩევის წესი

თსუ-ს რექტორისა და ადმინისტრაციის ხელმძღვანელის ერთობლივი ბრძანება სსიპ - ივანე ჯავახიშვილის სახელობის თბილისის სახელმწიფო უნივერსიტეტის სტუდენტთა საერთაშორისო გაცვლით და მობილობის პროგრამებში მონაწილეობისათვის შერჩევის წესის დამტკიცების შესახებ <https://www.tsu.ge/ka/foreign-relations/page/8837>

„უმაღლესი განათლების შესახებ“ საქართველოს კანონის” 49² მუხლის მე-4 პუნქტის თანახმად, დაუშვებელია გაცვლით საგანმანათლებლო პროგრამის მონაწილე სტუდენტისათვის სტუდენტის სტატუსის შეჩერება. მობილობის პროგრამაში მონაწილე სტუდენტი მშობლიურ უნივერსიტეტში ირიცხება, როგორც აქტიური სტუდენტი და შესაბამისად, სტუდენტმა ყველა სემესტრში უნდა გაიაროს ადმინისტრაციული რეგისტრაცია! ([tsu.ge](https://mobility.tsu.ge))

გაცვლითი და მობილობის პროგრამების მართვის ელექტრონულ სარეგისტრაციო პორტალის mobility.tsu.ge გამოყენების სახელმძღვანელო https://tsu.ge/assets/media/files/42/OutboundMobilities/UserGuide_mobility.tsu.ge_v1.pdf

გ) ხარისხის უზრუნველყოფის სამსახურების საკონტაქტო ინფორმაცია

იურიდიული ფაკულტეტი: ასოცირებული პროფესორი გიორგი მახარობლიშვილი
giorgi.makharoblishvili@tsu.ge

ეკონომიკისა და ბიზნესის ფაკულტეტი: ასოცირებული პროფესორი მარინა ჩავლეიშვილი
marina.chavleishvili@tsu.ge

ჰუმანიტარულ მეცნიერებათა ფაკულტეტი: ასოცირებული პროფესორი დარეჯან გარდავაძე
darejan.gardavadze@tsu.ge

სოციალურ და პოლიტიკურ მეცნიერებათა ფაკულტეტი: პროფესორი თამარ დოლბაია tamar.dolbaia@tsu.ge

ზუსტ და საბუნებისმეტყველო მეცნიერებათა ფაკულტეტი: ასოცირებული პროფესორი tchelidze@tsu.ge

ფსიქოლოგიისა და განათლების მეცნიერებათა ფაკულტეტი: ასოცირებული პროფესორი ლილი ხეჩუაშვილი
lili.khechuashvili@tsu.ge

გთხოვთ, გაითვალისწინოთ, გაცვლით პროგრამაში გამარჯვებულმა ყველა სტუდენტმა (მობილობის განხორციელებამდე) უნდა გაიაროს სავალდებულო **სასერთიფიკატო კურსი „ინტერკულტურული კომპეტენციები“**.

დამატებითი კითხვების არსებობის შემთხვევაში, დაუკავშირდით საგარეო ურთიერთობათა დეპარტამენტს ელ-ფოსტაზე: outgoingmobility@tsu.ge